

三河縣志卷之十三

人物志下

婦道陰柔而中正清淑之氣可以感鬼神而裨風化故笄髽女士媲美冠裳雖棹楔未旌而義悉所天荼甘如齊之操不可滅也他如四方君子之至則曰寓賢橘可踰淮粵能遷鎔潛德高風班芭所必及矣至若方書小技亦可成名仙釋靈踪皆能見道擇其正者以廣多聞志人物下

貞烈

元

張氏李讓妻年二十八孀居撫三幼子孝先繼先敬先俱成立年九十二卒有司題請旌表其門

三河縣志

卷十三

人物志下 貞烈

明

王氏生員許科妻科故王氏葬畢自縊撫按各加優恤

劉氏生員陳如忠妻忠故劉氏誓絕飲食旬日餓死有司旌之

劉氏儒士金捷妻捷被盜殺氏方二十三歲二子俱在襁褓家

貧氏躬織衽教子業儒後皆成立年八十卒撫按俱加獎恤

劉氏生員邢鋗妻鋗故氏年二十六歲懷孕七月生子士允殷勤撫育紡績度日教子成儒孀居四十餘年有司上其事於撫按旌表其門

李氏儒士于得信妻夫故氏年方十九歲一子甫三週矢志守節教子業儒孀居四十餘年有司重其節詳請旌之

劉氏興州後屯衛指揮僉事孫希伊妻夫故氏年二十三歲無

子養一義女謝氏教習女工度日後謝長成杜寧聘爲室未幾寧亦早逝謝氏復歸劉氏母女相依足不踰戶有司嘉其苦志

詳巡按旌其門

吳氏興州後屯衛百戶鄭一元妻夫故氏年二十七歲堅志守節嘉靖年間流寇犯境吳氏被擄嚴拒不從寇強拽上馬滾下數次寇怒遂被殺顏色如生

劉氏興州後屯衛百戶鄭一元妻夫故氏年二十七歲苦志守節生遺腹子名世臣教以儒業得襲祖職巡按旌表其第丁氏王守時妻美丰姿村居家貧隣人安文登百計求淫丁氏不從文登伺其夫外出夤夜強逼丁氏且喊且罵文登逐殺氏死事覺報官置文登於法旌其門

三河縣志

卷十三

人物志下 貞烈

李氏增生劉餘慶妻海州知州劉瑞遠母也夫亡三十年操節撫孤瑞遠登乙酉榜任海州偶因廢租罷誤歸里氏即令其恬退菽水不繼晏如也

吳氏薊州吳宗仁女廩生喬檀繼室夫沒氏年二十四歲夫前妻子陞甫七齡族長欺其孀寡凌虐之甚欲墮於井蓋逼嫁而利其產也氏死不從後聞於官禁之乃免教子力學勒女紅以佐束修陞以明經授州判氏孀居四十四年有司請旌表之陳氏廩生胡守一繼室夫故氏年二十一歲矢志守節撫其夫前妻所出子女與己出子女無異教二子力學不怠勤紡績以資誦讀繼芳癸酉舉人歷官同知應徵丙戌進士任知縣孀居六十六年壽八十有七縣道重其苦節請旌表之

清

劉氏增生趙映斗妻自二十二歲夫亡守節子女俱無紡織度日足不踰閨三十餘年於康熙十二年旌表

劉氏高維岳妻自二十八歲夫亡守節富室慕其賢淑頻通媒妁之言氏斷髮毀容誓死不移幾歷凶荒從無他志遺孤高耀甫一歲撫育成立孀居四十餘年於康熙十八年建坊旌表

邱氏生員張正芳妻十六于歸事舅姑以孝聞自二十四歲夫亡守節教子張宏道卓立成名賢聲較著於康熙十八年題請旌表

張氏年十六歸儒士曹持裕未一歲夫亡願以身殉姑勸而止甘貧守志事翁姑盡孝遭翁姑喪哀痛盡禮宗黨稱其節孝於

三河縣志

卷十三

人物志下 貞烈

三

康熙二十六年知縣彭鵬申狀題請建坊旌表

王氏廩生趙廷璧妻自二十四歲夫亡遺子文煜文煜尙在襁褓室如懸磬誓不改操勤女紅以教二子文煜入庠補廩娶媳馮氏無出文煜娶媳王氏生一子未幾兄弟相繼沒長媳馮自二十二歲孀居日夜紡績菽水無缺次媳王亦自二十二歲孀居饔飧不繼買餅奉姑媳三人同撫幼予以延宗嗣幸入饗序其姑守節六十五年壽八十九歲冰霜皎潔萃於一門雍正五年有司題請王氏馮氏王氏建三節婦坊以旌之

劉氏張瑞毓妻自二十三歲夫亡立志守節子女俱無矢志靡他敬事姑嫜克勤賢孝

朱氏監生俞從政妻自二十五歲夫亡立節紡績供姑勤儉成

家訓子成立闔族尊卑一以謙恭和睦相待從無間言

以上二
名於乾

旌表二年

王氏左爾端妻自二十七歲夫亡守節家貧奉養翁姑撫育遺腹孝長慈幼誠敬可風

左氏郝爾位妻自二十九歲夫亡守節事姑盡孝教子入泮治家克勤立志惟堅闔里敬之

傅氏生員劉永祚妻自二十二歲夫亡守節孝敬公姑訓子入泮端莊自處勤儉治家秉心堅潔節操可風

王氏劉守安妻自十九歲夫亡守節冰蘖自矢善事公姑朝夕無倦艱苦自守教子入泮治家克儉立志數十年如一日也

楊氏李永鶴妻年十九夫亡矢志靡他孝事公姑夙夜匪懈撫

三河縣志

卷十三

人物志下 貞烈 四

育孤子教以成人貧寒艱苦勞瘁弗辭冰霜節操歷久彌堅

楊氏生員李永祺妻年二十夫亡事奉翁姑克全孝養鞠育遺腹得繼宗支子某名登黌序苦心懿行節孝可風

以上六人俱乾隆四年旌

王氏生員喬仲觀妻年二十一夫亡矢節孝養公姑撫立繼嗣治家勤儉矢志堅貞

王氏生員胡丕基妻自二十七歲夫亡幾欲以身殉公姑力勸乃止家貧備歷艱辛孝事堂上克盡婦道教育幼孫入泮成名于氏李應善妻自二十歲夫亡守節凜志秋霜敬養翁姑克誠

克孝撫養曾孫教訓成人

康氏李永吉妻年二十四夫亡自矢冰霜始終不易孝事孀姑朝夕匪懈葬子撫媳自甘窮苦鞠育幼孫教以成立

赫氏周鼐新妻年二十九夫亡守志艱苦愈貞奉事翁嫜孝敬
無怠教育孤子訓誨有方以上五人俱
乾隆八年旌

丁氏楊永寧妻夫亡時氏年二十五歲甘心淡泊立志堅貞朝夕敬事公姑亦成立姑常曰吾子若在豈有過哉言已淚涔涔下

馬氏生員胡德基妻自二十八歲夫亡守節冰霜自勵事公姑盡孝教孤子入泮鄉里咸敬服之

馬氏侯令德妻自二十七歲夫亡守節矢志不移祀夫先祖事亡如存撫養繼孫克成家道以上三人乾隆十三年旌表

張氏雷時順妻自二十三歲夫亡守節秉志堅貞奉養公姑祀先如存撫育孤子教以成立女紅自給蔬食甘心者四十餘年

三 河 縣 志 卷十三 人物志下 貞烈 五

宛氏丁有名妻年二十二歲夫亡甘心耐苦志凜冰霜事公姑

盡孝教幼子有方白首完貞人咸欽之以上二人皆乾隆十八年請旌

蔡氏高四妻其夫外出被鄰人白三乘醉調戲遂羞忿自縊知縣熊繹祖置白三于法給匾額以慰貞烈

王氏生員李克捷妻年十五于歸十七歲生子而夫歿青年失偶矢志靡他撫子成人無忝婦道守節四十二年於乾隆二十三年督學給匾顏其門曰志盟金石

葛氏張朝貴妻守節三十二年學院給額清節維綱以獎之

王氏馬迥妻年二十四歲夫歿子生七月苦節守貞教子良圖讀書入泮學院給清節維綱匾額

岳氏芮大昌妻夫歿遺孤三歲青年矢志白首全貞學使給匾

曰古柏凌寒

侯氏生員趙璧妻年二十四歲夫歿遺一子苦節守貞學院給
荻畫冰心匾獎之

王氏武良寶妻于歸三載生一子夫歿苦志守節知縣陳景給
松筠節操匾額

待旌附

趙氏朱暉妻年未三十暉忽得不起疾氏焚香籲天願以身代
延醫診治無效日夜痛悼先夫自縊知縣奚祿詔爲文祭之見

畿輔通志

潘氏廩生盧倬祺繼妻侯氏倬祺子廩生雯偉之妻也父子相
繼沒潘氏年三十侯氏年十八姑媳立誓守節艱苦備嘗相依

三河縣志

卷十三 人物志下 貞烈 六

二十餘年姑逝侯氏哀號幾欲自盡鬻衣珥以備棺殮守志愈
堅至七十餘歲四壁蕭然並無子嗣徒以戀戀慈姑甘受一生
辛苦其貞節純孝足配古人

喬氏楊鳳儀妻年二十七夫亡止遺一女誓不更嫁育女成立
遂蓬首垢面紉衣糲食淒涼苦節年逾七十

王氏廩生朱暉妻適十年而夫亡遺二子俱在襁褓拊膺號泣
誓以死殉親族勸慰防護甚密氏乃長號曰不欲我隨夫地下
者爲呱呱兩孤耳若不奪我志願甘寂寞以撫育之勤織茹荼

歷四十餘年

盧氏歸朱曦十餘年而夫亡家貧無子苦心守節三十餘年伶
仃孤苦聞者嘆息而氏處之晏如

李氏史明揚妻夫沒紡織度日苦志愈貞三十餘年

程氏李鳳翔妻夫亡守節二十年

馬氏符良柱妻夫亡守節二十年

張氏李永清妻夫亡恭順儉勤教子成立守節二十二年

劉氏符思慶妻夫沒守節二十一年

李氏劉自良妻夫歿茹荼苦志訓子成立守節三十六年

蕭氏李玉良妻夫亡守節四十五年

李氏王彝英妻夫歿守節二十六年

符氏張希載妻夫亡奉養公姑教子成立守節一十八年

白氏鄭忠孝妻夫歿貧苦自甘教子成立守節一十八年

崔氏蔣天符妻夫亡撫孤矢志守節二十八年

三 河 縣 志 卷十三 人物志下 貞烈 七

李氏李本培妻夫亡侍奉公姑婦代子職守節三十五年

張氏王自成妻夫歿守節三十三年

張氏王毓瑚妻夫亡奉養公姑撫育孤子守節三十四年

高氏何三妻夫亡孝事公姑守節二十年

薛氏趙五妻夫亡守節二十二年

李氏程大妻夫歿教子成立守節二十八年

王氏于之秀妻夫亡教子成名守節二十年

姜氏李邦科妻夫亡守節四十年

張氏王宏召妻夫亡孝養公姑守節四十二年

徐氏李天佑妻夫亡撫子成立守節一十七年

李氏秦大妻夫亡守節一十八年

石氏周大妻夫亡苦受饑寒訓子成立守節四十年

張氏郭大妻夫亡孝事公姑守節二十三年

孫氏張大妻夫亡撫子成人守節二十三年

于氏李大妻夫亡守苦節四十一年

康氏李二妻夫亡守節二十一年

白氏孟萬盛妻夫亡奉養公姑守節一十六年

柴氏聶來良妻夫歿教子成立守節二十八年

張氏馬大妻夫亡孝公姑撫幼子守節三十年

周氏王受福妻夫亡守遺腹子守節四十六年

劉氏陳大妻夫亡守節三十一年

皮氏劉大妻夫歿守節四十五年

三河縣志 卷十三

人物志下 貞烈 八

李氏張大妻夫歿孝公姑撫幼子守節十七年

汪氏生員李茹蔚妻夫亡撫孤守節二十五年

安氏楊輔臣妻夫亡無嗣守節三十四年

侯氏生員王琦妻年二十一歲結褵未一年夫故上侍翁姑教

子入泮守節三十餘年乾隆廿七年旌

陳氏生員周鎧妻年十八夫歿侍奉公姑撫養嗣子一如己出

守節三十八年

以上節婦俱行詳明尙未旌表

按三河俗多好義雖顚頽布荆亦能慷慨捐生或堅貞飲蘡有奇男子風果皆地之靈歟抑德化成之也然或業已邀旌或現在待旌或窮鄉下戶奇節終身而沒者不可勝計今就其表

著者志之外有苦節核實無訛者隨報隨誌雖未旌而勸亦在是矣

僑寓

清

周鴻儒河南人守備致仕僑寓三河某公贈以詩有梅花談笑占盡春風之句可想見其爲人矣

劉子京薊州歲貢品行端方文詞卓越畿東名宿首推第一

方技

清

盧裕楫友竹子工行書

李柱陞精楷書

三河縣志

卷十三

仙釋 人物志下 僑寓 方技九

董炳邑增生精古篆兼工畫供奉內廷書篆館乾隆十四年十二月進御製盛京賦篆體三十二類蒙恩賜與繕印篆八千餘顆議叙選授四川潼川府經歷

李洧柱陞姪工畫山水花卉今僑寓河南未歸

明

雷應震精岐黃活人甚衆遠近德之

清

雷化龍善醫術順治年間補太醫院醫官

仙釋

清

蓮如邑人受京都圓光寺法輪和尚戒卓錫南關地藏庵法

律謹嚴會通釋典雖寄跡空門而雅好翰墨諸生樂與之遊
禿和尚不知何許人卓錫於丞相莊之通濟寺莫識其年歲常
見肌體如童冬夏一衲寒暑不侵樂與稚子嬉遊客至相訪時
出詼諧間多奇驗所得錢米旋散貧民未嘗入橐先期示寂端
坐而化

論曰君子功施社稷學備古今俎豆鄉賢固間世而一出者也
三河山高水長靈秀所鍾賢才輩出上下數百年間人物已略
見於此矣自茲以往沐浴聖化涵濡日久其聯翩競爽者宜更
何如輝映也